

Biblioteca chantunala dal Grischun
Rapport annual 2004

Cuntegn

Cuntegn	2
En atgna chaussa	3
2004: Tge è capità?	4
Personal.....	5
Pensiunaments	6
Norbert Berther	6
Vera Rüegg	6
Novaziun tar il praticum d'infurmaziun e da documentaziu a la biblioteca chantunala	6
Cumissiun da biblioteca	7
Reorganisaziun: archiv dal stadi / biblioteca chantunala	8
Lavurs da diplom	8
Acquisiziun.....	9
Unitads spezialisadas.....	9
Acquisiziuns tenor gruppas tematicas, en francs	10
Augment tenor il tip dals purtaders d'infurmaziun, en unitads da medias.....	11
Augment tenor il tip da l'acquisiziun, en unitads da medias	11
Donaziuns	11
Avertura formala e tematica	12
Catalog	12
Midadas persunalas en l'avertura.....	12
Bibliografia grischuna	12
Utilisaziun	13
Emprest e frequentaziuns	13
La biblioteca chantunala è vegnida suttamessa a l'obligaziun da pajar taxas	13
Traffic d'emprest interbibliotecar	14
Introducziuns e guidas	14
Conservaziun	15
Spustar e far plaza	15
Sfradentar	15
Effectiv	16
EED	17
Paginas d'internet.....	17
Catalog da la biblioteca dal Grischun	17
Exemplars registrads.....	17
Lavur da publicitat.....	18
Pressa	18
Incumbensada da las bibliotecas: rapport annual 2004	19

En atgna chaussa

Quest è l'emprim rapport annual da la biblioteca chantunala che vegn publitgà en tuttas trais lingwas chantunala. Las versiuns rumantscha e taliana vegnan purschidas sco document da PDF sin nossa pagina d'internet sut l'adressa universala www.kbg.gr.ch en la rubrica Sur da nus -> Biblioteca chantunala resp. -> Chi siamo -> Biblioteca Cantonale per chargiar sin l'agen computer.

2004: Tge è capità?

Ensasez è l'onn 2004 stà in onn relativamain normal per il manaschi da la biblioteca chantunala. Er l'onn 2004 ha la biblioteca chantunala collecziunà la raetica, amplifitgà ses effectiv, offrì guidas ed è vegnida frequentada ed utilisada intensivamain. Sco usità è ella stada serrada durant las duas ultimas emnas da fanadur pervia da lavurs da revisiun internas. La midada dal sistem Dobis/Libis al sistem Aleph ha gî in grond avantatg per las Grischunas e per ils Grischuns l'onn 2004, perquai ch'i pon vegnir purschidas novas prestaziuns. Alura la gronda surpresa: En la pressa han ins pudì leger che la bibliotecaria chantunala haja visà sia piazza. Ma er Anna Ratti, la manadra da la partizun "acquisiziuns", ha demissiunà ed è ida a la publicitat sur la pressa. Gabi Schneider ha visà sia piazza suenter trais onns d'ina buna lavur engaschada ed intensiva, pervia da las restructuraziuns ch'en vegnidas fatgas tar il DECA. Malavita èn vegnids pensiunads medemamain l'onn 2004 Norbert Berther, manader dal catalog, e Vera Rüegg, referenta spezialisada per scienzas naturalas. Ma quai n'è betg anc tut: Per motivs da sanedad n'è l'adjuncta scientifica betg stada a disposiziun durant in temp pli lung, uschia che er questa piazza è restada ditg "vacanta". Tut questas plazzas èn vegnidas occupadas da nov. Da quai resulta dentant uss ina interrupziun da l'infurmaziun ch'i vegn ad esser difficil da surmuntar. Sche talmain blers posts directivs ston vegnir occupads da nov quasi a medem temp, n'esi strusch pussaivel da mantegnair in manaschi regular! Ma gist quai ans è reussì: nus n'avain betg fatg damain, nus avain pudì ademplir nossas prestaziuns da servetsch. E las cundiziuns n'en betg stadas simplas. Igl è stà da dumagnar bleras malsegirtads ch'han er difficultà considerablamain mes cumenzament:

- a) En la biblioteca: en la biblioteca chantunala han e ston las cumpetenças vegnir attribuidas da nov.
- b) En il post da servetsch: la nova unitad d'organisaziun archiv dal stadi/biblioteca chantunala ha stuì e sto anc tschiffar pe. Er tranter l'archivari dal stadi ed jau sco bibliotecari chantunal n'eran las cumpetenças betg regladas cleramain.
- c) En il DECA: la decisiun da fusiunar la biblioteca chantunala e l'archiv dal stadi n'ha il DECA betg sustegnì cun propostas concepziunalas. Ils motivs materials e professiunals da la fusiun da la biblioteca chantunala e da l'archiv dal stadi n'en betg vegnids communitygads en detagi.

Quests problems han pudì vegnir dumagnads grazia a l'engaschament da las collavuraturas e dals collavuraturs anteriurs e novs, grazia al contact fitg collegial cun l'archivari chantunal e cun la manadra da l'uffizi da cultura ch'han sustegnì mai en mia malsegirezza iniziala en l'apparat administrativ chantunal, e quai er en in temp fitg muventà per l'uffizi da cultura, perquai ch'ins pativa là medemamain da sutdotaziun da persunal. Jau hai dentant er profità – e quai sto vegnir accentuà en quest lieu – da la fitg buna lavur d'auta qualitad da mia antecessura. Senza sia preparaziun perspicazia da la surdada da l'uffizi avess jau stuì cumbatter cun anc tut auters problems. E perquai sun jau led ch'jau hai pudì scriver al cumenzament: ensasez è l'onn 2004 stà ...

Persunal

Per segnar cleramain la midada da persunal, vegnan stampads grass tut las collavuraturas e tut ils collavuraturs regulars ch'en pertutgads da mutaziuns e che n'en betg en scolaziun.

Direcziun anteriura: **Gabi Schneider** (fin matg 2004)
nova: **Wolfgang Giella** (a partir dal zercladur 2004)

Vicedirecziun
Eva Rosenberger (scritta malsauna; perquai piazza vacanta)

Secretariat:
Elsbeth Bärtsch-Stiffler

Incumbensada da las bibliotecas, cussegliaziun per bibliotecas da scola e communalas
Nelly Däscher

Coordinazion uniun da bibliotecas dal Grischun, EED
Marlise Daum (manadra); Christa Schmid

Acquisiziun
manadra anteriura: **Anna Ratti** (fin mars 2004)
manadra nova: **Monica Rota** (a partir da l'avrigl 2004);
collavuratur anteriur: **Matthias Kramer**; collavuratura nova: **Ladina Willi**

Utilisaziun
manadra anteriura: **Eva Rosenberger** (fin settember 2004) manadra nova: **Karin Brechbühl Caprez** (a partir da l'october 2004)
collavuraturas: Margrit Contesse-Truog (vicemanadra utilisaziun), Claudia Kreis-Fries, Ulrica Thomas, Jacqueline Wernli

Avertura formala e tematica
manader anteriur: **Norbert Berther** (fin avrigl 2004), manadra nova: **Bettina Bleichenbacher Frank**, collavuraturAs: Patrizia Castegnaro, **Vera Rüegg-Mühl** (anteriura fin october 2004), Christoph Steiner, **Juliana Tschuor** (nova a partir da l'october 2005)

Conservaziun
Wolfgang Giella, Brigitte Giger-Caflisch, René Kämpfer, Reto Alig

Collavuraturas en scolaziun
assistenta d'infurmaziun e da documentaziun: *anteriura:* Ladina Willi (fin fanadur 2004)
nova: Antonia Ursch (a partir da l'avust 2004)
praticum preliminar scola auta professiunala *anteriura:* Iris Kuppelwieser (fin settember 2004); *nova:* Maria Carabin (a partir da l'october 2004)

Pensiunaments

Norbert Berther

Signur Berther è stà manader dal catalog a la fin da sia perioda d'uffizi. El ha cumenzà sco cataloghisatur da la biblioteca chantunala avant passa 35 onns ed ha fatg cuntuadament carriera. Ses engaschament n'è betg mo stà en favur da la biblioteca, mabain er dals idioms rumantschs. Senza Norbert Berther na dessi nagina bibliografia retorumantscha. Nus engraziai ad el en quest lieu per ses engaschament, per sia collegialitat e per sia pazienza cun nossas praticantas e cun noss praticants e nus giavischain a Norbert Berther peda e buna sanadad, per ch'el possia realisar ses plans.

Vera Rüegg

Dunna Rüegg fascheva part da las collavuraturas da la biblioteca ch'enconuschevan las relaziuns bibliotecaras da la biblioteca chantunala già dapi la fin dals onns 70. Sia collavuraziun è stada fitg preziosa numnadamain per concepir nossa sistematica d'emprést a liber access sco er per la lavur en las unitads spezialisadas, particularmain en las unitads spezialisadas da las scienzas naturalas e da la medischina. Vera Rüegg ha passentà ils numerus auts e bass da la biblioteca ed ha cumprovà savens – cun ses umor – ina insistenza creativa. Er ad ella giavischain nus tut il bun e sperain ch'ella saja anc ditg ina da nossas utilisadras cumentas.

Novaziun tar il praticum d'infurmaziun e da documentaziun a la biblioteca chantunala

La biblioteca chantunala vegn a pussibilitar da nov mintga onn in praticum infurmal en Germania u en Austria tar ina biblioteca principala a las praticantas ed als praticants d'infurmaziun e da documentaziun. En il discurs da preschentaziun vegni explitgà a las praticantas ed als praticants che nus dain gronda paisa ad in tal segiun a l'exterior. L'organisaziun dal praticum è chaussa da la direcziun, la finanziaziun ston surpigliar las praticantas ed ils praticants. Il praticum a l'exterior duai svegliar già baud l'interess da las praticantas e dals praticants per il mund bibliotecar ordaifer ils sistems dad IDS, da NEBIS e da RERO. Igl è indispensabel che professiunistas e professiunists giuvens emprendian ad enconuscher ad uras, comparegiond, la relativitat da l'agir bibliotecar, per pudair esser pli tard uschè flexibels sco pussaivel visavi novas ideas en lur professiun. Nus essan er persvadids che quest ulteriur "modul da scolaziun" rendia anc pli attractiv il standard da scolaziun a la biblioteca chantunala.

Cumissiun da biblioteca

L'antieriura cumissiun da biblioteca è vegnida schliada l'emprima mesadad da l'onn 2004. Dentant devi in consens che cun la nova occupaziun da la direcziun da la biblioteca chantunala dueva er vegnir elegida ina nova cumissiun da biblioteca. Uschia è stada ina da mias emprimas incumbensas suenter avair cumenzà la plazza quella da nominar ina nova cumissiun. Ils 30 da zercladur 2004 ha stuì vegnir fatga la nominaziun da las commembres e dals commembers da la cumissiun. Las suandantas commembres ed ils suandants commembers èn vegnids elegids:

Wolfgang Giella, bibliotecari chantunal (president); Nelly Dässcher (incumbensada chantunala da las bibliotecas); Marija Baric, Anita Devonas, Kathrin Gerber, Josef Herget, Gion Lechmann, Silke Redolfi

Dentant betg mo la cumissiun na sa cumpona da novas commembres e da novs commembers, mabain er la basa legala è sa midada essenzialmain. En l'artitgel 18 da l'ordinaziun davart la biblioteca chantunala dal Grischun (490.200) era la laver da la cumissiun prescritta cleramain:

„Art. 18

1 La surveglianza è chaussa da la cumissiun da biblioteca, che vegn presidiada dal schef dal departament cumpetent. Ella consista da sis fin diesch commembers che vegnan elegids dal departament.

2 La direcziun da la biblioteca, che prepara e protocolescha las sesidas, ha vusch consultativa.

3 La cumissiun da biblioteca accuplescha las suandantas incumbensas:

- a) ella cussegli il departament e la biblioteca chantunala en tut las dumondas ch'en colliadas cun l'accumpliment da lur incumbensas;
- b) ella persequitescha il svilup dals fatgs chantunals da biblioteca;
- c) ella po far propostas al departament cumpetent davart dumondas dals fatgs da biblioteca;
- d) ella vegn integrada en la procedura da decisiun tar dumondas che pertutgan ils fatgs da biblioteca;
- e) ella promova e coordinescha las activitads communalas, regiunalas e chantunalias da las bibliotecas."

La nova versiun da quest artitgel lascha uss ina tscherta libertad d'agir. La midada la pli impurtanta è che la cumissiun da biblioteca na vegn betg pli presidiada dal cusseglier guovernativ cumpetent e ch'ella n'è er betg pli l'organ da controlla da la biblioteca chantunala. Ils 27 d'avrigl 2004 ha la regenza approvà la suandanta versiun da l'artitgel.

„Art. 18

1 La cumissiun da biblioteca serva al sustegn ed al svilup dals fatgs chantunals da biblioteca.

2 Ella consista da tschintg fin nov nov commembres u commembers che vegnan elegids dal departament sin proposta da la direcziun da la biblioteca e vegn presidiada da la direcziun da la biblioteca u da l'incumbensada respectivamain da l'incumbensà da biblioteca.

3 aboli"

La cumpetenza da la cumissiun da biblioteca è uss surtut en il sectur da la scolaziun e da la furmaziun supplementara da las bibliotecaras e dals bibliotecars che lavuran en il chantun. La nova versiun da l'artitgel 18 permetta ultra da quai a la cumissiun da scuvrir ils interess u ils svilups dals fatgs chantunals da biblioteca e d'als tematisar.

Sesidas da la cumissiun da biblioteca:

La cumissiun da biblioteca è sa radunada ils 29-11-2004 per l'emprima giada. La nova situaziun legala da la cumissiun è stada in puntg da discussiun impurtant.

Reorganisaziun: archiv dal stadi / biblioteca chantunala

La reorganisaziun en il DECA ha già tranter auter per consequenza che l'archiv dal stadi e la biblioteca chantunala èn vegnids fusiunads. Dapi il 1. da settember 2003 è la biblioteca chantunala in ressort da la partiziun archiv dal stadi / biblioteca chantunala. L'archivari dal stadi, Silvio Margadant, maina ultra da l'archiv dal stadi er la partiziun. Uschia è el il superieur da la direcziun da la biblioteca chantunala e represchenta la biblioteca chantunala visavi l'uffizi da cultura. En cas d'ina absenza da l'archivari dal stadi represchenta il bibliotecari chantunal l'archiv dal stadi. Questa represchentanza è dentant mo da natira administrativa e betg substanziala. En la pratica vul quai dir che l'archivari dal stadi ed il bibliotecari chantunal sa radunan fitg savens per discutar strategias e problems administratifs. Ils dus ressorts collavuran er là pli stretgamain, nua ch'igl è pussaivel. Sper il sectur administrativ, è quai surtut il sectur organisatori. En il sectur substanzial da l'elavuraziun da las medias, numnadaman da l'avertura, na vegni mai a pudair dar ina collavuraziun, perquai che la metodica è dal tuttafatg differenta e perquai che la diversitat da las medias na la permetta betg.

Perquai ch'i dat anc adina intschertezzas, vulain nus accentuar qua anc ina giada cleramain: en lur incumbensas centralas lavuran domaduas instituziuns independentamain ina da l'autra ed ellas sa preschentan er separadaman en la publicidad.

Lavurs da diplom

Pervi da la midada da direcziun n'hant pudi vegnir surdadas naginas lavurs da diplom. Intgins temas èn dentant vegnids inoltrads a la scola auta da tecnica ed economia.

Acquisiziun

Unitads spezialisadas

La fluctuaziun dal persunal ha gī tranter auter per consequenza l'onn 2004 che las unitads spezialisadas èn ad interim vegnidas repartidas da nov. L'attribuziun definitiva da las unitads spezialisadas a las referentas ed als referents spezialisads succeda pir l'avrigl 2005. L'attribuziun provisoria da las unitads era l'atun 2004 la suandanta:

- Bettina Bleichenbacher Frank: scienzas d'economia e scienzas socialas, geografia e chartas, politica, psicologia, sport, linguistica
- Nelly Däscher: musica / CDs
Marlise Daum: EED, infurmaziun e documentaziun
- Vera Rüegg: scienzas naturalas, scienzas da l'ambient e da l'ecologia, planisaziun dal territori, tecnica e traffic, medischina, pedagogia, dretg
- Christa Schmid: art, architectura
- Christoph Steiner: generalitads, belletristica, istorgia, scienza litterara, filosofia, religiun, videos e DVDs tematics, teater, film
- Juliana Tschuor: talian, rumantsch, biografias

Acquisiziuns tenor gruppas tematicas, en francs

acquisiziuns tenor gruppas tematicas, en francs

	2004 incl. pendenzas/spariziuns	2004	2003
periodicas e cuntuaziuns da tut ils secturs tematics	70100	69800	78500
raetica (div. secturs tematics)	17800	17556	13900
talian (div. secturs tematics, incl. belletristica)	13000	12778	14000
belletristica (senza talian e rumantsch)	13700	13446	15700
medias audiovisualas (div. secturs tematics)	10700	10454	15200
generalitads / biografias	4300	4020	3500
scienzas natiralas, medischina	11400	11092	10000
dretg, politica	11300	10996	8200
art, architectura	9800	9572	9900
EED, scolazion en medias, fatgs d'archiv, da biblioteca e da documentazion	8200	7933	6100
istorgia, etnologia europeica, scienza dal temp antic	7100	6859	7300
scienzas da l'economia	5100	4875	5400
musica, teater, film	5600	5360	4400
scienzas litteraras e linguistica	4100	3869	4200
geografia	9300	9045	5600
psicologia, pedagogia	4600	4377	5100
tecnica, traffic	3300	3010	3000
filosofia, teologia (senza biblioteca pastoral)	4700	4461	5300
scienzas socialas	2100	1798	2100
sport	2100	1593	1500
rumantsch (div. secturs tematics e belletristica)	1700	1397	1100
pendenzas		2919	
spariziuns		2790	
TOTAL	220000	220000	220000

Augment tenor il tip dals pertaders d'infurmaziun, en unitads da medias

	2004	2003
cudeschs, monografias	3498	3551
revistas, gasettas (toms, annadas)	2045	1766
raetica pitschna	0	0
chartas, placats	115	472
microfurmias	0	0
registraziuns sonoras	564	322
videos / films / multimediuems	314	311
total	6536	6422

* i vegn renunzià da dumbrar ils stampats pitschens

Augment tenor il tip da l'acquisiziun, en unitads da medias

	2004	2003
CUMPRA	4409	4138
DONAZIUNS	1917	2073
BARAT	210	211
TOTAL	6536	6422

Donaziuns

Sco biblioteca d'archiv dal chantun Grischun ha la biblioteca chantunala l'incarica da collecziunar tut las medias che han ina relaziun cun il Grischun. Nus engraziain a las numerosas edituras ed als numerus editurs ch'ans surlaschan gratuitamain lur novas publicaziuns. Els gidan uschia considerablament ad ademplir questa incarica.

Donaziuns d'inventaris pli vegls accepta la biblioteca chantunala en moda selectiva, per regla sche las ovras han ina relaziun speziala cun il Grischun, mettan in accent a la collecziun u rinforzan ina prioritad existenta.

Avertura formala e tematica

Catalog

	2004	2003
registraziuns da titels singuls	3920	4329
registraziuns da titels da revistas	799	647
recatalogisaziun e midadas en il catalog	876	116
surpigliada da datas estras	1635	-
total	7230	5092

Da las 7230 datas cataloghisadas pertutgan 1815 il Grischun en ina moda u l'autra. 1341 èn mediums audiovisuals resp. nonbooks, intgins da quels cun referencia al Grischun.

Midadas persunalas en l'avertura

Strusch nagin team è vegnì pertutgà l'onn 2004 uschè ferm da las fluctuaziuns dal persunal sco l'avertura. Abstrahà da la direcziun da la biblioteca, hai dà qua las midadas las pli radicalas. Manadra da l'avertura è daventada dapi l'atun 2004 Bettina Bleichenbacher. Vicemanader è anc adina Christoph Steiner. Medemamain entradas da nov en il team èn Juliana Tschuor ed Eva Rosenberger. Cun Norbert Berther e Vera Rüegg han bandunà dus vegls collavuraturs da fitg gronda experientscha il team. Perquai che Bettina Bleichenbacher lavura già dapi onns en quest team, hai pudì vegnir garantì – cun sia elecziun sco manadra – che lungs temps d'introducziun en la lavur n'han betg interrut il manaschi. Dependenta da l'avertura è er la lavur en l'uniun da bibliotecas e perquai èsi stà fitg impurtant che la manadra da l'avertura saja prest er abla da teginair sesidas – betg mo internas – mabain er sin il plaun da l'uniun.

Bibliografia grischuna

La bibliografia grischuna 2004 vegn a cumparair sco carnet cumplementar al numer 3/2005 dal "Bündner Monatsblatt". Ella cuntegna 997 (2003: 931) inscripziuns.

Utilisaziun

Emprest e frequentaziuns

	2004	2003
cartas d'utilisaziun		
cartas d'utilisaziun emessas da nov	1807	1609
cartas en circulaziun	17190	12821
frequenza d'utilisaziun (visitas a la biblioteca)	70875	69544
emprest (en unitads)	en la sala da	11615
lectura	a chasa	40604
	per posta	826
		420
prolungaziuns		5279
total		58324
		58974

La biblioteca chantunala è stada averta 244 (238) dis. La stad è ella veginida serrada sco usità la seguda mesadad da fanadur per 10 lavurdis. En quest temp è veginida fatga la revisiun.

La clera sminuziun dals dumbers d'emprest ch'era veginida constatada l'onn precedent ha pudì veginir franada. L'onn da gestiun 2003 è la pratica da prolungaziun veginida adattada als usits da l'uniu da las bibliotecas da la Svizra tudestga (IDS). Fin uss vegnivan ils emprests e las prolungaziuns dal termin registrads en furma cumulada en la statistica. A partir da l'onn da gestiun 2004 vegnan questas duas differentas proceduras registradas separadamain. L'onn 2004 èn vegnidas registradas 5279 prolungaziuns. Uschia sa declera er la sminuziun dal dumber dals emprests a chasa. En quest dumber eran numnadomain integradas fin uss er las prolungaziuns.

La biblioteca chantunala è veginida suttamessa a l'obligaziun da pajar taxas

La decisiun d'introducir taxas è veginida realisada l'onn 2004. La biblioteca chantunala dal Grischun sa chatta uschia sin il plaun da las bibliotecas generalas publicas cunter indemnisažiun e betg pli sin quel da las bibliotecas classicas da studi e da furmaziun. Nus essan ina da las paucas bibliotecas chantunala da la Svizra che fa pajar taxas. Il chantun sco pertader na para sez betg d'esser tschert, nua ch'el vul posiziunar sia biblioteca chantunala. Il Grischun n'è betg in chantun da furmaziun. Las purschidas chantunala da furmaziun èn stgarsas e n'èn betg adina bain equipadas. Tant pli impurtant fissi da nun engrevgiar inutilmain l'access a las paucas purschidas chantunala da furmaziun cun taxas. Tant pli cuntents essan nus che nus n'avain betg stuì registrar ina sminuziun dal dumber d'utilisaziun. Quai ha segiramain er da far cun la buna reputaziun da la biblioteca, cun las excellentas prestaziuns da servetsch e cun l'ambient architectonic attractiv.

Tuttina ha ina part impurtanta da las utilisadoras e dals utilisaders, las scolaras ed ils students sur 20 onns, exprimi adina puspè malcontentientscha. A las utilisadoras ed als utilisaders d'ordaifer n'ha il pass dal di fatg insumma nagin plaschair. Per quest pass èsi numnadamain da pajar 11.– francs. Qua tema la direcziun da la biblioteca che questa taxa per in di ans fetschia dapli donn che niz. En mintga cas vegni fatg allusiu a quai cun grond smirvegl a las conferenzas spezialisadas naziunalas. Ma tut en tut duain ins dir che l'acceptanza per las taxas è considerablamain gronda. Sch'i na succeda betg in'ulteriura reducziun da las prestaziuns, alura pon las taxas vegin defendidas cun buns arguments.

Traffic d'emprést interbibliotecar

	2004	2003
incumbensas da retschertga ad outras bibliotecas	882	1006
toms retschavids	826	810
incumbensas da retschertga per la biblioteca chantunala	306	238
incumbensas liquidadas da la biblioteca chantunala	219	131

Er quest onn ha la biblioteca chantunala liquidà gratuitamain las empustaziuns da l'emprést a distanza ch'en vegnidas fatgas da l'administraziun chantunala.

Introducziuns e guidas

La biblioteca chantunala porscha guidas a differentas gruppas d'utilisadoras e d'utilisaders. Cunzunt scolas profitan gugent da questa purschida. In partenari impurtant e qua la scola chantunala a Cuira. La guida da la biblioteca sco introducziun en l'utilisaziun d'ina biblioteca è in element impurtant dal curriculum da las scolaras e dals scolars. Ina part dad elllas e dad els vegn pia a cumenzar in studi ad ina universitat suenter avair terminà la scola media. Questas guidas na duain betg mo intermediar savida, mabain er gidar a far perder la tema. Igl è daventà usit che las guidas cun las classas da la scola chantunala vegnan fatgas il pli savens durant l'emprim quartal da l'onn. Ma perquai che, pervi da la midada da la EED, han gì lieu l'onn da gestiun 2003 numerusas guidas la fin da l'onn, n'en betg pli vegnidas fatgas bleras guidas il cumenzament da l'onn 2004. Persuenter hai dà bleras guidas suenter las vacanzas da stad. Ins po dentant prevair che l'onn 2005 tut sa normaliseschia puspè.

En tut èn vegnidas manadas 34 (2003: 39) gruppas cun 654 (2003: 754) persunas tras la biblioteca chantunala.

Conservaziun

L'onn da gestiun èn vegnids magasinads 84 (2003: 62) meters medias.

Spustar e far piazza

Cur che jau hai cumenzà mia laver en il magasin da la biblioteca chantunala, il zercladur 2004, hai jau prest constatà che la gruppera da signatura la pli gronda, la signatura D-numerus currens, aveva già surpassà duas giadas il spazi d'ina autra gruppera da signatura. Ultra da quai occupavan donaziuns betg elavuradas il spazi d'ulteriuras gruppas da signatura che s'accumulavan. Il princip da far ina glista da las signaturas mortas en in sectur dal magasin previs mo per quel intent vegniva violà en moda eclatanta. Las singulas gruppas da signatura eran ed èn per part anc adina ina tranter l'autra. Igl è da prevair che l'ina u l'autra signatura productiva vegn prest puspè a stuschar ina gruppera da signatura morta e ch'ella surpassa – en il mender cas – puspè quella. Igl era cler ed evident che las singulas signaturas mortas che bloccavan la creschientscha da las otras signaturas en l'entir magasin, stuevan vegnir resumadas per avair uschia ina controlla da lur administraziun. Ins na pudeva betg pli planisar, perquai che la proxima gruppera productiva era già sin il precint da surpassar la proxima gruppera morta. Gist per questa signatura productiva eri pia da tschentar la dumonda dischagreabla, nua ch'ella duaja passar? I deva mo ina pussaivladad: da repassar uschè spert sco pussaivel ils cudeschs betg elavurads – tut anteriuras donaziuns – e da far in'acziun da spustumant planisada. Immediat èn vegnidas elavuradas las donaziuns, per part cunter in'opposiziun massiva en chasa. Cun noss magasinier René Kämpfer hai jau planisà a medem temp l'acziun da spustumant entaifer il magasin. Entiras gruppas da cudeschs han stuì vegnir spustadas per che las singulas gruppas da signatura na stoppien betg vegnir separadas. Il settember ha alura René Kämpfer manà tras l'acziun cun success. El è vegnì assistì da duas forzas auxiliaras dal CRIL. En total èn vegnids spustads passa 300 meters cudeschs. Nus avain pudi liberar uschia ulteriuras surfatschas dal magasin ed avain pudi impedir ina immediata cumpra d'urgenza da curunas "compactus" l'onn 2004. Uss ston ins elavurar ulteriuras donaziuns per ch'ins possia cumenzar a planisar in'administraziun moderna dal magasin.

Sfradentar

Ils magasins da protecziun per bains culturals da la biblioteca chantunala e da l'archiv dal stadi pon mo vegnir sfradentads cun tschitschar tiers aria pli frestga d'ordaifer. Ma la stad fitg chauda 2003 è la temperatura e l'umiditat s'augmentada considerablament. Quai n'ha betg fatg in bun servetsch a l'archivaziun da lunga durada da noss effectivs. L'onn passà è vegnì montà in sistem da ventilaziun. Tuttina ha la temperatura puspè gi fluctuaziuns considerablas, la stad tardiva (a partir dal settember). Las fluctuaziuns n'en dentant betg pli uschè gravantas. Igl è cler che il parcadi sur il complex dal magasin brischa la stad sco ina padella da brassar sin il mantè da betun dal magasin e che nus avain adina da far quint cun fluctuaziuns. Baud u tard vegnan ins a stuair sa fatschentar d'in sistem da sfradentar. Per las paucas, dentant fitg preziousas rollas da film che la biblioteca chantunala posseda èn las relaziuns da magasinaziun dal magasin da cudeschs

(temperatura ideala 18-20 grads C e 50 % umiditat) plitost gia ina grevezza, perquai che films ston vegrir magasinads cun 10 grads C e maximalmain 30 % umiditat. Qua chapescha mintgina e mintgin ch'er fluctuaziuns minimalas da la temperatura e da l'umiditat ston vegrir evitadas absolutamain per tals materials.

Effectiv

Cun far midada da la Germania en Svizra hai jau er già la sepranza d'arrivar ad ina plazza da lavur d'in pajais, en il qual ils daners da las cassas publicas n'en betg stgars. Uschia sun jau partì dal fatg che gist il tema dal mantegniment da l'effectiv na saja en Svizra betg in tema uschè virulent sco en Germania.

Guerras e catastrofas han fatg patir zunt fitg ils effectivs da cudeschs da la Germania, e quai che n'è betg vegrì destrui quella giada, smanatscha uss da vegrir destrui dals deficits dal budget da las cassas publicas. Quai èn tut problems, dals quals ins discurra naturalmain en Germania. Il 19avel ed il 20avel tschientaner n'hai betg dà conflicts u guerras per propri en Svizra, e quai renda la Svizra in cas spezial en l'Europa. Il dischavantatg da quest cas spezial è dentant cleramain la percepziun dal basegn d'agir. Entant che en Germania èn naschids dapertut instituts statals per la conservaziun da cudeschs e per la restauraziun da documents (a NRW, a BW, en Baviera e.u.v.), il pli cun 30-40 collavuraturas e collavuraturi fitg spezialisads, mancan tals instituts dal tuttafatg en Svizra.

Ma er nus na dastgain betg star cun ils mauns en crusch! Schebain che la fortuna e l'inschign diplomatic da noss per davants ans han protegids cunter ina tala catastrofa sco la seconda guerra mondiala, na signifitgescha quai betg che cudeschs e documents na gajjan betg tuttina en decadenza e smarscheschian schizunt mintgatant. Perfin la biblioteca chantunala è pertutgada. Il preventiv annual per las restauraziuns na tanscha gnac per salvar mintga onn in cudesch impurtant cun donns considerabels. Tge è in cudesch impurtant? En noss cas è il criteri principal quel da nossa incarica da collecziunar: in cudesch ch'è vegrì fatg en il Grischun, ch'è vegrì scrit da Grischunas u da Grischuns u dal qual l'object da retschertga è il Grischun. En quest sectur posseda la biblioteca chantunala in effectiv prezios ch'è unic. Ed en quest segment da l'effectiv basegna quasi mintga 7avel cudesch ina restauraziun, pli u main urgenta.

La biblioteca suletta na vegr betg a pudair purtar tut quai. I ston vegrir chattadas meglras soluziuns. Intgins impuls, sco padrinadis per cudeschs, vegrin propagads a partir da l'onn 2005. En cas d'ina meglra situaziun finanziala dal chantun vegr la biblioteca er ad iniziari in fin dus projects per restauraziuns da cudeschs. Tuttina fissi da sclerir seriusamain la dumonda, pertge che mintga chantun duai schiliar sulet quest problem. Qua fissi raschunaivel da profitar da sinergias cun auters chantuns. Perquai che SG, GL, ZH, TG e.u.v. han exactamain ils medems problems cun il mantegniment da l'effectiv. Forsa fissi ina schlaziu communabla, ensemble cun intgins auters chantuns, a la lunga in pau pli favuraivla?

EED

Cun introducir ed etablir il sistem Aleph 500 è la laver en la EED sa midada essenzialmain. Il project da la midada da sistem da DOBIS/LIBIS sin Aleph è bain vegni terminà cun success, dentant fin il december 2004 avess stuì vegnir introducì Patch 6. Questa introducziun ha durà pli ditg che spetgà, perquai ch'ins dependeva d'instrucziuns externas.

Per il team dad EED ha la restructuraziun dal DECA gî per consequenza l'onn 2004, ch'il support dad EED sto vegnir prestà uss er per l'archiv dal stadi.

Paginas d'internet

La biblioteca chantunala ha dapi l'onn 2003 ina nova preschentaziun en l'internet sut www.kbg.gr.ch. Per nossa instituziun è la trilinguitad da la preschentaziun en l'internet evidenta. Per motivs tecnics n'hant ins dentant betg pudì realisar dapertut questa trilinguitad. La retschertga en il catalog po vegnir fatga mo per tudestg. Il schaner han consultà 1231 (568) differentas visitadoras e differents visitaders nostra pagina d'internet, il december èn quai stads 1183 (1042). L'entir onn 2004 avain nus registrà 428'900 access or da bundant 55 pajais e tras 14642 (12344) differentas visitadoras e differents visitaders. Mo en Svizra èn vegnids quintads passa 330'000 access. Da la purschida da la pagina d'internet da la biblioteca, da l'access al catalog online e da sias differentas prestaziuns da servetsch vegni pia fatg diever constantamain.

Catalog da la biblioteca dal Grischun

A l'uniun da bibliotecas dal Grischun (BGR) eran participadas las suandantas instituziuns fin la fin da l'onn:

Exemplars registrads

	stadi 2004	stadi 2003
biblioteca chantunala dal Grischun	146066	136590
academia Engiadina ¹	1018	1032
uffizi d'agricultura, meglieraziun da structura e mesiraziun ²	-	-
uffizi per la protecziun da l'ambient	222	222
uffizi forestal	1906	1864
biblioteca engiadinaisa	17417	16669
scola chantunala grischuna	25804	22541
museum d'art dal Grischun	3574	3118
museum da la natira dal Grischun	3009	2809
biblioteca populara dal Grischun	69892	69216
scola professiunala Cuira	4856	4348

SATE, Comercialstrasse, Cuira	4893	4434
tgira da monuments dal chantun Grischun	2797	2693
center da furmaziun e cussegliazion agricula		
Plantahof ³	1713	1713
scola auta professiunala da pedagogia ⁴	31881	30952
clinica psichiatrica Beverin	1557	1482
clinica psichiatrica Waldhaus	881	1042
Schweizerhaus Tavau: biblioteca documentara ⁵	3478	2934
Schweizerhaus Tavau: biblioteca d'emprést	17436	17161
parc naziunal svizzer Zernez	1695	1618
archiv dal stadi dal chantun Grischun	4504	4602
post da stab per dumondas d'egalidad dal Grischun	567	539
archiv da la citad da Cuira	2323	2212
scola auta teologica da Cuira ⁶	12140	3623
total	359679	333414

¹ extraida l'onn 1999; las registraziuns existentes èn vegnidas laschadas en il catalog

² extraida la fin da l'onn 2003; las registraziuns existentes èn vegnidas migradas en in agen sistem e stizzadas

³ extraida l'onn 2003; las registraziuns existentes èn vegnidas laschadas en il catalog

⁴ avant: seminari da magisters grischun e scola da dunnas dal Grischun

⁵ fin uss cuntegnida en la biblioteca d'emprést da Tavau

⁶ participaziun l'onn 2003

La dumbraziu da l'uniun sa concentrava fin uss sin las registraziuns bibliograficas, q.v.d. ella respundeva la dumonda quantas registraziuns da titels ch'ina biblioteca da l'uniun aveva fatg en il catalog. Dal puntg da vista da l'administraziun da la biblioteca fai dentant dapli senn da cumprovar il dumber dals "exemplars fisics", q.v.d. d'inditgar quants cudeschs, CDs, videos e.u.v. palpabels ch'ina biblioteca ha registrà en l'uniun, inclusiv ils exemplars multipels.

Lavur da publicitat

(vesair er "Introducziuns e guidas" sin p. 13)

Pressa

Dapi l'october 2004 publitgescha la biblioteca chantunala mintga mais la recensiun d'ina CD or da l'effectiv da musica classica. La preferenza han qua cumponistas e cumponists che n'en betg fitg enconuschents, ma che han tuttina scrit musica excellenta, u alura registraziuns d'ovras enconuschetas che sa distinguon d'autras registraziuns. L'onn 2004 èn cumpardidas recensiuns tranter auter da Robert Volkmann, George Antheil e Gion Antoni Derungs.

Incumbensada da las bibliotecas: rapport annual 2004

da Nelly Däscher

Sche jau guard enavos sin l'onn passà, sun jau fitg leda che la scena da las bibliotecas grischunas viva e prosperescha. Dunnas engaschadas preschentan las bibliotecas e las mediotecas en ina furma actuala e frestga. Ellas s'orienteschuan a las pli novas enconuschienschas e tendenzas dals fatgs da biblioteca ed applitgeschan quellas cun bravura en lur vitgs. Ins senta che la promozion da la lectura e l'intermediaziun da la savida e da la cultura las stat a cor e las fa plaschair.

Cussegliaziun da biblioteca:

Las visitas da bibliotecas, a las qualas commembras e commembers da la cumissiun da biblioteca m'hant accumpagnada, m'hant manada en Surselva, a Panaduz ed a Tusaun. Igl è bel da vesair che bunamain tut questas bibliotecas han in catalog dad EED e che la tezlera è sparida.


Fond dr. Alice Denzler:

Las suandantas bibliotecas han survegnì contribuziuns dal fond dr. Alice Denzler: biblioteca cumünala Ardez 4'500 francs. Ulteriuras dumondas èn vegnidias messas enavos.

Curs CLP:

- Curs fundamental
Malavita ha il curs stuì vegnir desditg per mancanza da participantas e da participants.
- Curs da manadra
En il curs da manadra avain nus pudì resguardar 18 participantas. Il certificat da la CLP per il curs da manadra han survegni: Martina Andri, Zuoz ; Heidi Arpagaus, Cuira ; Barbara Bernhard, Maiavilla ; Pia Berni-Riz, Val S. Pieder ; Ruth Bezzola, Samedan ; Christina Bischof, Mustér ; Myrtha Caluori-Wäger, Cuira ; Marianne Christen, Tavau Plaz ; Marianne Fanchini, Luchsingen ; Christina Gartmann, Grabs ; Barbara Gerber, Altstätten ; Sandra Hanselmann, Scuol ; Karin Schneeberger, Valbella ; Annemarie Schubnell, Weinfelden ; Hedy Sprecher, Tavau Frauenkirch ; Marionna Tschuor-Coray, Laax ; Brigitte Vital, Sent ; Regula Zahner, Schiers.
- Curs da furmaziun supplementara
201 participantas han prendì part als 13 curs da furmaziun supplementara. Il tema principal da l'onn è stada la publicaziun da la 7avla ediziun da la "tecnica da lavurar per bibliotecas da scola e communalas" ch'è vegnida tgirada, revedida cumplettamain ed amplifitgada da la cuminanza da lavur da las bibliotecas svizras da lectura publica (CLP).

Nus engraziain a la banca chantunala grischuna
per la contribuziun a la producziun da nossas cartas d'utilisaziun.



Graubündner Kantonalbank

Karlihofplatz, CH-7001 Cuira

tel. 081 257 28 28
fax 081 257 21 53

e-mail: info@kbg.gr.ch
<http://kbg.gr.ch>

uras d'avertura	
mardi e gievgia	9.00 fin 17.45
mesemna e venderdi	9.00 fin 18.45
sonda	9.00 fin 15.45



Kantonsbibliothek Graubünden
Biblioteca cantonale dei Grigioni
Biblioteca chantunala dal Grischun